

(ENTRE Jean AMORY et Marie VIGNY sa femme habitans du fief d'argentenay en lisle s^t Laurens apelans de sentence rendue Enla preuoste de cette ville le trenti^e Juin dernier presens en p^{er}sonne d'une part

ET Joseph PERROT propriétaire du fief d'argentenay Intimé aussy present en p^{er}sonne d'autre part Parties ouyes Lecture faicte delad^e sentence parlaquelle Il est donné acte aux parties de leurs dires declarations et offres et ordonné de leur consentement, attendu que led Intimé voulant bien oublier Tout le passé et lad^e femme amory se Soumettre a son deuoir enuers luy Comme sa tenanciere et porter son mary a en vser dela mesme maniere, lequel comme malade d'une paralisie n'a pu se transporter en cette ville ny se présenter enlad^e preuosté pourueu que le differend quy est Entre Eux a l'Egard dun chemin seigneurial soit Reglé par le nommé Premont auquel Ilz se rapportent et de payer par moitié les frais de l'Instance et d'autant qlz ont esté Tous auancez parled Intimé que le poulain appartenant ausd^s apelans luy demeurera hypotequé pour la moitié desd^s frais et si le prix d'iceluy ne suffisoit de luy payer le Surplus suiuant l'estimation quy en sera faicte, que lesd^s frais Seront payez par moitié aux conditions susd^{es} et que led Chemin sera Reglé par led premont avecq^{ue} deffenses ausd^s apelans et a leur filz de mesfaire ny medire aud Intimé ou a autres personnes de sa famille soubz telles peines ql^{es} appartiendra et lesd^s apelans condamnez payer au commis greffier outre lad^e moitié de frais Conuenuë quarente cinq solz pour lad^e sentence, de l'acte d'apel Interjetté delad^e sentence par led amory signifié aud Intimé le quinzies^e de ce mois delareq^{ue} présentée aud con^{seil} par led Intimé en anticipaon. de lord^{re} enfin d'icelle quy le recoit anticipant de l'exploit d'assignaon. donnee led jour quinzies^e de ce mois ausd^s apelans par Quiniart S^{er}gent enlad^e isle Ouy aussy le procureur general du Roy LE CONSEIL Dit ql^{il} a esté bien Jugé mal et sans Grief apelé, ordonne que la sentence dont est apel sortira son plain et entier effet et Condamne lesd^s apelans aux depens de l'apel a Taxer par M^{re} Charles de Monseignat con^{seil} ace commis de grace sans amande et leur donne Acte deceq^{ue} led Intimé ne demande que quatre Journees de leur filz Pour luy aider a f^{er} Oster le Rocher quy est dans le Chemin marqué par led Premont ✓